

Kanqikhidjut

Fluzone® Quadrivalent Influenza-mik Kapukhirniq (QIV)

Hunauyuq Influenza (flu)?

Influenza (flu) hiammittaaqpiaktuq aanniarut aanniarutauvaktuq influenza-mit. Anniarut hiamentiqaatuq talvuuna qallakhungnikkut, takyungnikkut, kakkikkullu qingarnin.

Naunairutiit ilaqaqtun imailigaiguvit, kidjakkuvit, qalakhuruvit, niriumayungnaiqhutik, ullugiahuliklutiklu timingat, igiaqlikhutik, unaguhukhuliklutiklu.

Inuit annialaqivaktun uuminga Tarium Hikutirvia Qiqaiyarluarvia, kihimi flu-paktun Ubluqtuhivia uvanillu Idjirurvia.

Kitkun pittaqtun kapukhirmirnik?

Inuit kituliqaak inuuhiqaqtun avatquhimayunik 6 tatqihutiqaqtun kapuqhiraqaqtun fluulaitkutikhamik.

Nutaqqat nukakhiit nainik ukiuqaqtun, kapuqhiktut hivulliqpaamik, kapuqhiqtauyukhat malruiqtuqhutik, taima 4nik havainirnik avatqutkaaqlugu, munagiyaayarangat.

Hunauvat ikayuutikhariyait kapuutikhamut havautiqaqtumik?

Ikayuutigivagait Nunavunmiutat aannialaitkutikhamingnik Influenza-mit

Ikayuutigivagait nunallaamiutat tahapkuallu aanniaqtaqtut ayuqhautikaglutiklu aanniarutimit.

Influenza aanniyuaqnaqtuq ilaani aanniarvingmungaqtitvaktuq ilaillu aanniaqtut tuquvakhutik, tapkunungaluaq aanniaqtaqtunuanut.

Tamna Fluzone® QIV qayangnaitkaluaqqa?

Hii. Naunaitqiaq ayurnautikhangit imaatun itun uluriahungniq aupadjaligluni kapurhiviani. Ilani kidjarnaqtuq, unnaguhulikhunillu, nuaquqlikhuni, aannirnalaaqiplunillus. Una naunaitkutiarivlugutauk timit ikayuutikhaliuliktumik

(antibodies) ukununga aanniarutinit. Amihut inuit naunaktukangittut aanniarutinik kapuutimut.

Tamainnut kapuutinit, pitjutikhakalluangittuq angiyumik timimut nakuunngirutauyaqtun atiqaqtumik *anaphylaxis-mik*. Anaphylaxis naunaikpaktut kukuvalaktut, amiklukhutik, pivittutik qanikmi, anirhaalimaikhutik ayuqhalikhutik. Imaittut ihuirutit pivaktut 15 minutes-ni kapukhiraangata. Munarhiqarvikmiittughayutit 15 minutes-ni kapukhiruvit humiklikaak. Anaphylaxis munariyauttaqtuq munaqhiqiyatit ayuiqhaqhimayullu ikayuriamingni.

Kitkut uqaqtughavat munaqhimingnut kapukhiktinnatik?

Uqaqtuyakhaat munakhit nutaqqaat hapkuninga pihimakpat:

- Timimut nakuunngirutiqaqtunut havautinit thimerosal-nik, formaldehyde-nik, Triton® X-100-nik taimaituqaqqata kapuutingit havautimik.
- Kinguagullu nakuuhirutigikpiakhimayaqaqtuq kapukhirmirmit.
- Hunamitliqaak aunnagyualaqivautigyatit.
- Guillain-Barre Syndrome -qarumik (GBS – inmikkut ingutalimaiqata) taima siksini havainirni kapukhirmirmit.
- Aanniarutiqaqqan kidjautiqaqhimayumik.

Hunauva ayurnautigiyangit kapukhingitkumi fluulaikutikhamik kapuutikhanik?

Nallauttaaqhimayut taimatut 4000 – 8000 Kanatamiutat tuquvaktut ukiuk tamaat Influenza-min. Amigaitqian aannialirangamik aanniarvingmungaqtitavakhutiklu ikayuqtikhaqarnimun. Aanniaqtailidjutikharnik ilingnut, nutaqqatillu nunaqatitilu haffumanga aanniarunmit pittailitkhaqatut.

Fluzone® Kapuqhirmiq Munaridjutikhaq

- Kidjagyuarnaittumik uluriahukpiaknaittumiklu, ukununga havautituktaqtutit niaquqhiutit Acetaminophen (tylenol, tempra) unaluuniit Ibuprofen (Advil, Motrin). Nutaqqanut, havautituktitlugit naunaikhimayainut munaqhit havautit puunganitluuniit.
- Aspirin (ASA) **tuniyakhangittuq** inungnut kimutliqaak ukiuqangittunut tikihimaittugu 20-nik ukiuni aanniarutiniknarungnaqhingmata uuminga Reye Syndrome, taima qillaminuaq hunngiutiniaqtun qaritarmun tuqulutikluuniit.
- Ayuqhautiqaruvit aanniarutinit ukunatut puvitpata qanniq/umilruk, uvinigiruvit qiqilirlutitluuniit munaqhiliaktukhauyutit aanniarvingmulluuniit qilamiuglutik. Apiqhutikhaqaruvit, ihumaalukkuvitluuniit ihuirutikhamut havautimit kapuutikkut, uqagvigilugu munaqhit.

